

道園學古錄卷之二十七

歸田集一

雍虞集伯生

賦

東臯賦為趙德莊作



出東郭以騁望得逶迤之方臯窈窕脩筠之舍盤桓嘉樹之
 高秀野綠縹長渠翠濤界畦疇以分畫列藩籬乎周遭沈崇
 蘭於舊畹薦幽澗之新毛鳶魚樂兮天光雲影之動蕩虎豹
 蔚兮山輝川媚之薰陶結幽居以靜好不窺園以為遊或視
 明星而弋鴈或饗朋酒而包羔其有棄敝履於軒冕託遺響
 於歌騷者乎吁嗟惟麟黍稷在畿眇故封兮江海悵王孫兮
 不歸載耘載耔載裳載衣忽十世其將遠挺三君而奮飛奉
 賢書以造廷並榮名於常旂鸞翔鳳翔赫其有輝價炎精之
 既淪遽歛翮於晝微於稷季戾知德者繇中田有虞兮種瓜

北山無蹊兮采薇悄悄隱憂兮顧懷懇懇蓄畚兮疇依慨膚
士之不億懼俯仰之多違侃侃廣文特起無儔內有明賢之
助外嬰憂患之酬二親高年一身百謀煦煦陽春英英涼秋
屢專席於名郡常曳裾於諸侯觴詠不間於絲竹旨甘頰及
於交游積累之勤百福是適婉婉子孫食德不渝嗟予少時
迎于名門揮弦飛鴻垂綸遊鯤老至不知車懸身存文章載
露黯黯然銷魂訊故老於岑隅索履跡於崖根秀娟娟兮旣長
鬱蒼蒼兮彌尊孰辟出於醉鄉樂舒嘯於丘園晨光粲其盈
庭鶴鳴聞于九天黍稌旣豐華實載繁俎豆衣冠古而又文
東臯之人其昔之桃源也邪

芝亭永言

古詩四言

環洲詩為蔡天健作

溪有清流環我中洲襟華鮮明芳草和柔詠有文君鳴有睢
鳩采采遊女侃侃良疇載泳載游在我中洲遡遡無端沿沿
無止旣采蘋藻亦有蘭芷觀彼嘉魚一日千里彼畎彼畝皆
爲方田分合雍立我流璧旋星迴于天雲媚于川君子樂豈
眉壽永年言命輕舟言載百壺駕我乘黃履我雙鳧沉沉彭
蠡至于匡廬詠歌以歸清風載途

冰雪相看亭

趙君有道之先故宋南渡時自東都徙分宜三百年于
茲矣其大父登進士第仕至文林郎湖北憲司幹辦公
事其父兩舉江西轉運司進士覃恩受官宋亡不復仕
城東故地美竹萬箇作亭其間而隱焉名之曰冰雪相
看信國公之子平遠宣慰之所題也有道信厚敦愿衣
冠容氣翩翩然有王孫公子之遺風敏稼穡以服徵賦

謹詩禮以保族姓無外驚無妄求弗變其父之志以老
其身以長其子孫是以士君子稱焉夫元亨利貞之爲
德猶春夏冬秋以爲時也君子觀乎運序以自處則合
於時措之宜而不過焉方其以振振麟趾之賢處富貴
之極則大亨春夏之時也自其來南族蕃以久非秋之
利乎其在有道爲冬之貞無疑矣冰至堅而不折雪至
索而不汙凜然相肖不接於他物誠得處貞之道也予
聞而善之故爲之賦詩焉

挺挺直筠琴岡之陰豈無春陽匪今斯今高宜於天下蟠地
深不易其節侃侃素心豈無膚敏曰駒駸駸我獨考槃樂乎
幽林堅冰在淵積雪在岑獨往不迴悠然行吟采采紫芝園
綺是尋遠求陶生撫我素琴邈乎古人副我夙欽

竹林七賢圖

瞻彼脩竹下臨清流文石偃隄華松蔭丘植表界壤翦茅宅
幽梁度高巘臺隱中洲方床讀書異宮同休詠歌相聞鶉豆
相求或時名菓或釣游脩課藝至嘉植坐思遠游濯纓微波看
雲良疇逸而不放儼而自脩泰哉沮溺邈乎巢由按圖以觀
求宜春秋孰若五君遺其故儔糟粕塵世高踪莊周我懷古
人邈而違憂安得揮弦以招湛浮

竹溪六逸圖

悠悠逝川矯矯逸民携書相從敷席水濱支頤負暄揮羽却
塵躡屐遠道隱几重茵幽響中發虛觴載陳投我嘉實舍和
茹醇優哉悠哉及茲良辰山有鳴鳥郊有游麟濟濟以寧我
懷古人

古詩五言

題汪華玉所藏蘭亭圖

衡茅負晴旭有客至我門共披會稽圖山木盛繽紛衆賢坐
水次飛觴汎沄沄夷曠各有趣高閒知右軍幽情付後覽陳
迹感前欣悠悠千載來不異更旦昏探穴問神禹均望海悲秦
君逝者皆如斯死生固奚云所以鼓瑟人思從童冠羣春服
涼新浴歸歟聊求言撫卷不知老遐思在茲文東南極積水
日暮多浮雲

寄題曹元賓尚書臨流圖王繼學參政畫

昔聞適炎服中道臨清漪瀟瀟蕩荒日悠悠動寒颼來者何
滔滔逝者不可追聖有川上歎晝夜固如斯解纓手自濯浩
蕩忘險夷高人今摩詰萬里同襟期抽豪寫幽思帶雨更題
詩三年反田里春河釋冰斲舟楫繫野樹濯沐晞晨曦上堂
喜懼集艱辛謝親慈入室換野服登山采靈芝庶以永年壽
豈惟療朝飢開囊見舊物感慨深係之歲晚金石友看雲立
多時憐我不共看寄言令我知來鴻春若早去燕秋易衰近
遠不相覲加餐慰遐思

玉隆留題

仙真治茲山重阜隱延廣冲奧元氣會運至法靈響與世作
司命神宇廓弘敞及門春雨來玄感副夙仰摩挲晉時樹託
身何蕭爽千載抱微息日月共來往欲爲黃髮期日待紫芝
長上天垂光彩月出江海上故人不可待惆悵理歸鞅

黃堂留題

雲館息塵鞅夜聞春雨聲溪水傍階長仙茅新綠生曉氣動
原野曠分見夷平神真昔參合觀泉宅幽真儼然師弟子歲
來會秋清遺民千載後高宴從簫笙因嗟蚤好道晚歸濯冠
纓矯首望遠海駕言羽翰成神仙在平地崎嶇愧凡情太乙
有移石中洲良可營

記夢

夢行衡廬間千仞過蒼壁崇高仰神明深廣下不測雲雨蓄
盤礴時至如欲出網緼尚回旋揮霍忽奔逸物恠匿岩穴獲
若俟霹靂黑波汎高樹木葉走崩石起身登玄間縱觀龍變
跡俯視九州野草木有輝澤乃在風雨外手畫素二尺揮豪
極動湯盪落墨更沉鬱圖成示坐人共咲不可得矚瞻以踟躕
恍惚增歎息因之命肩輿出門聊有適天術何舒舒白鶴從
數客畧經幽澗濱便上青松側憑高望遠水雙景蕩虛碧拂
石共客坐芳草藉尻膝忽然聞鐘聲睡覺北窓席

次韻陳溪山樓履

頗憶蜀井西樓欄每易討披心剖魚子東皮充琴掃澗工巧
紉履文織象花草輕鬆隔沮洳緩步得堅好長跪獻圯下會
期後二早知君貴賤履陟降恒有道憐我涉世深垂誠不待

遣兢兢歷淵冰縮縮奉師保時行不違矩庶慊歲年老

其二

解鳥還上方歸山據枯槁禁足結僧夏陳編謝探討隱几或
過書凝塵遂忘掃行庭不見人誰或踐生草寔由筋力衰無
復馳走好前年當此時嚴召出城早追度龍門水賜見沙領
道鼎湖忽踰年始克罷趨造感君素履詠幽貞可長保番番
茹芝人長歌豈知老

其三

六月乃屢雨良田不憂福獨念桂林戍觸熱赴南討道路備
攘掠所過淨於掃縛人夜送軍吏卒何草草蠻獠亦人類義
利啓戎好尋原可制亂機要貴及早夜來送者還頗言賜橫
道諸軍四面集同月約皆造誰爲飢渴謀性命安可保藜藿
雖滿漿對之令人老

浮丘公吟寄赤城陳道士入山有遇爲溪山壽

浮丘生上古形神蓋不泯說詩秦漢間安知非斯人世俗苦
淺迫無能信直淳雨雲不待族飛光越窻塵豈知有道者千
歲一息勻金精歷可鍊色重無磨磷蒼蒼紫玄峰只尺天北
辰神明寂已定尊高此依因握機稟元化同流溥無垠所以
赤城子從師踐荆榛三周日却中志確神乃親廬間玉雪相
旭陽射光新稽首受餘啜骨換非昔民不遠恒在茲曉然願
知津先生旦有聞爲恭若逡巡賤子請執御端輓駕飛麟

爲燮理普化題陳立所作龍眠山圖

燮侯起高科得邑舒水上民淳事稀簡田野甚夷曠戰爭遺
跡泯山水良足賞幽棲南昌尉英爽赤壁將古仙家白雲美
人化黃壤岩岩龍眠山一士獨可尚高懷托千載妙畫極羣
賞向來讀書處春雨草木長夷遊昔賢遠瑤席共來享彈琴

終日微泉散清響來者安可期徘徊以招悵畫圖記彷彿
聊以慰遐想

和陳溪山韻

幽人慎素履古道思獨往瞑目登高臺浮雲不足上丹砂煉
仙骨沈澹濯神爽遠懷登江靜耿若孤月朗河漢自傾注山
川遊想餘跡倦飛翼歸耕故時壤好風從東來空谷感遺
響詔書薦道逸郡府屬高仰聊持東湖水往助敬亭賞

和陳溪山送蘭花韻

幽林有蕝蘭菁菁秋不衰憐彼采藥人不識敷榮時涼風動
綠葉清露生華滋世傳神農經圖書竟空披深根寄連茹藉
以瓊瑰詞同心求爲好豈但服食宜先民昔有言所貴希見
知舊聞絕行仙挽有童孺姿南陽有黃華西山多紫芝度世
未聞道咀嚼空蕞枝淇一保冲燕執御正不奇靈苗無助長

無為以熙怡始信斷金利終古真不移千載同一息敢忘君子期

送空石印公還徑山

東出楞伽室西垣香爐峰曲折披騎驎蕭條倚枯筇然燈共
過夜曝日忽經冬天山斷綠想海國識行蹤忘言及生滅抽
簡托踈慵追憶塔中相表茲雲際封螭父謝五鳳求護頰雙
龍

題張觀海所携虛舟竹所一毛圖

虛舟倚真臯脩竹相因依水木有清華魚鳥淡忘歸鸞群晚
色靜鶴羽傍林暉似是鑑湖曲幽栖掛朝衣古道日已遠昔
人相見稀蒼茫寫雲霧蓬壺是耶非

送龍翔高獨峰上人還金陵

承詔寫宮榜馳使出丹闕黃金射江海光景依日月邈來垂

十載咸遇嗟白髮神靈在雲漢賦畝慨明發祇園何譚譚夙
志返超忽幽士任精舍諸妄久息歇浩劫鑑止水高峰獨首
峯觀察勝願力知我心兀兀清風不可執振錫出林樾

送海東銛上人十首

用雲空殿出海羅梅柳度及江春為韻

積水眾鷗滅春空鶻餘雲掩室坐脩竹天花散繽紛上人東
海客來去何見聞飛錫還日下珠宮浪沄沄

日色出海水千波散明霞一杯承足來九載不為賒要觀香
爐峰折蘆長風沙微吟動林響蒼龍送浮槎

我昔參泰霞東望候日出子從日下來海水中蕩瀟坐受龍
女珠簾垂夜光室持遠定何有長空斷鴈一

為法不辭遠遨遊歷年載衣中得故珠終夜動光彩還持一
支畫歸泛萬里海駕言乘桴行沙際如可待

肯蓄崇虛豆生芻長冰署無堪餉遠客采下若為住行囊掛

屋壁破榻夜風雨神光發慧劍耿射東海曙
燕坐共禪月行吟向孤梅有懷匡廬山老人爰崔嵬洗鉢三
峽水振木東林臺乘槎動歸思欲去更徘徊
山居如老禪坐致不請友何方簷下雲識我門前柳翠竹不
碍山黃花粉在手未覺酬對難離妄亦無取
老胡昔東游勝士乃西度到岸無彼此不憚費筏獲要之心
本空一了不移步龍宮解相迎黃金已先布
百鍊成利器千金來海邦清霜凝秋水國士歎無雙持正行
正令魔邪孰不降觀子製名字高風凜寒江
止觀覓心要律儀檢凡身密言轉相付海刹幾秋春奇哉善
根熟一徹無逡巡子來得何法歸報日邊人

楚石琛藏主自蔣山歸却欲就叢林閱藏同舟清
江之上賦此贈之

手携北山雲却上西江水月明洲渚生葉落風不起虛舟不
移棹寒波釣金鯉銀河轉碧落北斗去天咫龍吟匣中劍虎
躍弦上矢殺機誰敢當吹毛豈輕試貝葉啓千函木榻脫雙
履惟應勝壁觀悠悠度年歲

題東郊山房

秀挺東郊山雲氣常覆之林丘翳幽潛流泉發芳滋盤桓在
中谷良疇漾清陂開堂直岡景長年誦書詩孝友夙所敦求
道遠有師雅志尚端潔凡近諒難知康樂昔賜履詠歌足遐
思啓書訪前聞往跡無所遺瞻彼南澗松深根連喬枝亭亭
植高節鬱鬱含令姿衆木不同泯悠哉副深期

題蒙庵爲黃石谷賦

東南有高丘下臨萬家邑汪洋泱春潤沃衍盛秋入群山若
浪波起伏翠重巖靈運好奇險高平罕相及幽人園綺間周

覽度原隰隨山導清泉積石拾層級結庵以蒙名果行信所
執良時一來游朔月九交十門當星斗高隴卧風雨濕二川
燈火歸賓從雜車笠登高愧能賦騰身竦山立

為黃氏賦大雅詩

岐山鬱嵯峨鳴鳥昔有聞周公盛制作經綸以弥文朝事接
燕饗勸勞兼賓軍肅雖述盛德工歌替前勳流蕩乘濮靡何
由返咸雲陳肆輒有見吳季真不群公子有古絃歷然宮徵
分大雅忽有作青春日方殷高堂以居之樂康永欣欣

己卯十月廿二日從宜春郡幙嚴伯威觀南軒新閣登舟有賦却寄同游者劉粹中賢良

茲郡多美泉小大各有神深潤浹温厚草木何光新披圖閱
名世顧皆仙佛人退儉寡外鷺懷哉此良民退之文既遠泰
伯學未醇昔我朱與張遺言存縉紳東湖有新閣下臨南澗

濱周眺忽已晚皎然仰空曼虹梁亘溪流落日車馬塵膏立
間叢祠鍾鼓嚴昏晨江潭嘆搖落名邦感宜春為治古有道
川原隨所因華構相為雄大雅竟誰陳移舟古峽口西望蒼
嶺响浩蕩無與語逝波絕垂綸

秋堂

秋堂者臨川吳生文明之親舍也生才甚清美賦詩婉
麗無塵滓之汨觀其同門未之及也昔胡邦衡以詩人
薦朱文公大儒豈以玩物以成名哉性情之正冲和之
至發諸詠歌自非衆人之所能而士大夫各以其見見
之耳生未可自喜自畫也是以為賦秋堂詩云

閭巷多罽塵秋堂獨高深有子能讀書幽懷發微吟天高風
露下澗泉落危岑神仙絕飲食穢濁無留沉所以聽夜誦共
愛風滿林神清曷以哀情長恐成淫大治昔有作九牧歸吉

金鑿樞下五石工成振鴻音宣風萬物暢神祇肅有臨鳳鳥
鳴岐山人文示來今候虫入床下嗟哉苦勞心
清風拂高堂舊席忽已除下堂具甘旨上堂列琴書垂紳夙
夜至再拜問起居誦詩已三百習禮少壯餘納交君子室執
御長者車為樂古之道誰能咲其迂

題雪泉齋

長河汨凝合微泉自温活蛟龍依以生抱困待春發南雪不
到地流泉常在山飛英散絕澗流漸響潺湲融結各有方不
息在無一觀茲保深長乃得養生理濯尊薦寒冽春陽向熙
怡君子遠莫致永言以相貽

平江開元雪隱光禪師訪予臨川山中其歸也予
與賓客用一雨六月涼中宵大江滿分韻送之不
足予為繼之而予分得一字

積雪何處高蜀山取甚甚海東極孤絕目送斷鴻一徘徊杪
擺樹宴坐但空室園果墮宿雨當晝從定出八月露水繁石
針滿華蜜相會豈無因分床便深密

賦彭氏靜深堂

君子憺無欲淵然事幽潛貞居觀物初天機引休恬寂寂象
愚朴容容無數獸群動不知止謀思墮鈎籍反息不及踵乘
舟膠漸漸豈知本湛一不與利欲兼圖書發聖緼受命字不
占戒慎保靈秀先幾發微纖進善取損益閑存日惟嚴浩浩
厚有積愆愆心浸何淹盈科以時行小人慙厲屢虛堂積雨霽
光風草侵簾空洞溥龍澤止水澄秋蟾善學在年富勇哉副
遐瞻

秋山行旅圖

春夏農務急新涼事征游飯餽既盈橐治絲亦催裘升高踐

白石降觀索輕舟試問將何之結客趨神州珠光照連乘寶
劍珊瑚釣乘馬垂首循縱目上高丘策名羽林郎談笑覓封
侯太行何崔嵬日暮摧回輶古木多悲風長途使人愁羸
見木末足倦霜雪稠谷口何人耕禾麻正盈疇出門不及里
酒饌相綢繆壯者酣以歌期願醉而休安知萬里事有此千
歲憂

爲題馬竹所九歌圖

屈子又去國行吟山澤秋思君不復見婆娑感巫謳仰瞻貴
神遠俯慨深篁幽衝波起浩蕩玄雲黯綢繆初陽翳扶桑
蒼蒼湯海漚渺渺君夫人遺缺在中洲壽夭乘陰陽孰知制命
由慨然長太息悲歌寫離憂想象以倘悅開卷令人愁

清明山房詩爲危太朴作

矯首望太清正色蒼以玄皦皦何歷歷日星高轉旋游塵雜

氛氣起滅尋丈間容光見擾擾孰與爲控搏所以學仙者凌
空怡妙顏質化入常寂凝暉托空山據會觀往來生死何足
患妙哉太朴子難爲世上言

次韻太朴良友對何仙舟讀書山中見懷之作

得謝荷休澤消搖在巖阿結廬庇風雨樊圃塞藤蘿塞坐古
人書日夕猶詠歌追念少壯日玩愒亦已多兢兢事補塞奈
此遲暮何美人百里內邈若隔山河興懷貽好音緼藉二春
花報言慎芳歲卷石崇魏我

道園學古錄卷之二十八

歸田藁二

雍虞集伯生

芝亭永言

古詩十言

江樓看劍歌書趙子昂劍銘後

豫章高秋宴高閣乃出此劍相娛樂當時冶鑄絕精英土蝕
沙沉更銷鏤遺質所存如冷電江光不與晝光却神光內閱
氣逾深識察誰能動冥漠等閒千年不一試壯士酣歌謾揮
霍嗟予衰朽雪滿頭空對涼風起天末或言江中有蛟孽當
煩仙人下寥廓吾故臨風拂其鏗俾伏崖陰無敢作

劉忠肅公之四世孫中書舍人諱震孫之曾孫益
之題其居曰雲松巢予家與劉氏累世之契故為
書忠肅公文集之首詩二篇并賦此詩與之

丞相昔遊泰山頂天風浩浩春書永玉換微茫不可求但覺
靈靈發熱身鼎白日人間如水流前代衣冠成古丘夜夜憂患
何足計直道十年橫素秋徂徠之松數千尺東連海上莫烟
碧中書偉人如玉立每向南風望東北濁世公子何翩翩却
憶匡廬還謫仙夫容出水耀初日五色光新天未妍我今僑
居廬阜側西視我眉歸未得豈無雲錦晚相娛月落終懷空
山白森森喬木魯東家河間禮樂更光華勿忘先世舊遊處
吾秣爾馬膏其車

吳興趙子昂十馬圖

昔在秘閣見十馬云是韋偃之所畫比圖位置畧相似心神
獨同豈臨寫馬種本自渥洼來濯濯清泉更灑洒常恐一日
風雨至蹙踏波濤遂神化豪雄意氣今豈無未見深况如此
者君看最後臨岸驄自是真龍無世價

畫馬

百年升平却走馬立仗天閑常見畫蕭蕭難難頭八十翁却寫
西來大宛者高蹄如鐵項如鈎風鬣蕭蕭首宿秋常見貢來
騎不得長嘶要就崑崙立

題畫

連昌宮裏古墻陰積雨過春黃竹深老樹無枝交屈鐵立石
有書名錯金吮豪池上寫幽鳥承恩春日風光好當時執戟
今白頭却對蕭森倚秋昊

空山歌

高空之山聶公宅稚川作圖繞數尺秋天薄雲千仞表春雨
喬林百年物憶昔侍郎鎮成都將佐盈庭賓客趨錦官城外
竹加鼓發駟馬橋邊高蓋車先廬舊在小東郭丞相祠堂同寂
寞嚴公同訪杜陵家退之亦到淮西憶我眉峯我久不歸江

水娛人秋日暝坐者蓬萊變乘海自古南城天下縉公子親
仰陳氏館我初至撫猶弱冠者君揮翰甚風流豈想重逢鬢
毛換君言中間一再來數見先公胸次開鶯花風雨必求友
水竹園林待酒盃嗟予晚歲始能退寧有文章驚海內平生
不受簡書畏故家高致君應取圖中山色積翠濃雖欲舍予
將焉從蜀人相如最能賦行倚山木歌高空

為慶玄圃題龍溪春曉圖

夫容山陽萬家邑石嶺戴轍紫紆入溪水西行夜雨深連村
乘柘春雲濕昔因荒迥少官府日暮狐兔作人立自從置縣
二百年稍有衣冠更俗習讀書進士比舍聞潤屋黃金亦家
給山中白日浮雲多負乘因仍足車笠變侯世宵國勳舊射
策君門耻公襲朱衣作監列星宿遠人豈意高軒及接琴不
鼓書牒稀彈缺無魚賓客集綉衣使者停車見黃堂太守下

床橫登高望遠送飛鷁攬纒髮疑變原隰人言桐鄉人愛我
我愛桐鄉重於性畫圖千疊山水稠羨舍蕭條莫忘草

題馬竹所畫

霜清木落江海空一棹歸來何處翁雙松千歲如鐵石為尔
圓薄旋天風憶昔神龍劍所化夕風滄波弄明月望中冉冉
雲氣生直接銀河上瓊闕

靈元鎮規模董北苑米南宮父子寫山水雲物殊
有標致見示春江捕魚圖遂賦此

春江聚網萬魚急漁人相譁魚相泣負薪深山何處樵利害
相乘不相及海鷗冥冥秋影微黃葉江南一棹歸人間得失
兩無迹不廢山水含清暉

南岡

華蓋二峰立天表山北山南青未了
昔看兩函不出大虛縹緲送

餘霞落飛鳥岡頭春歸露未晞梧桐鳳皇相因依卧龍之孫
思外氏帳望輝光生翠微

題何大夫畫馬

國朝畫手何大夫親臨伯時駿馬圖伯時經憶鐵面語放筆
驛驪懷此都此都大夫八九十千馬萬馬在胸臆偶然數鬣
落江南捲東上箱謝槽櫪

同開先南楚悅禪師觀息齋畫竹卷於崇仁普安
寺煜公之禪室蓋煜之師一初本公所藏也因記
延祐甲寅息齋奉

詔寫嘉熙殿壁南楚與之同寓慶壽寺園予時為
太常博士俯仰之間已為陳迹乃題其後云一
嘉熙殿裏春日長集賢奉詔寫筵筵良迺來二十有五載飄零
殘墨到江鄉匡廬高人昔同住身見揮毫鳳鸞著木枯石爛

是何年脩竹森々長春雨

題村田樂圖

尺素自是高唐物瑩如秋水宜設色何人畫此畎畝間二三
老人若相識茅屋蕭條古樹下農務未殷牛在野或吟鸚鵡
脫籠繫或弄獼猴笑真假老翁政自如兒嬉高髻襜負相扶
持古時粉社祀田祖移饌高亭墮所宜抱甕初來未貯酒亦
有生鸞宛延首村優競携樂具至犬怪雞驚兎拍手拄杖出
門欣見賓雜華滿庭生好春歲時無事得如此擊壤何必非
堯民騎驢過橋殊矍鑠携具荒陂來赴約定知張果子歲人
遊戲人開共盃酌

柳塘野鴨

江南水退秋光淺風柳參差萬絲捲鴛鴦在梁鳧在渚蕩蕩
扁舟去家遠千艘轉海古長策白粲連江動秋色斷蒲折葦

野水闊爛爛明星且將弋翠般般露夜深寒玉色高其落月
殘太液池頭黃鶴下夢中曾見畫中看

丙吉問牛喘圖

少陽用事春猶淺丞相公行問牛喘三公職事知者稀嗟彼
德微蒙榮免天子有道守四夷中心無為日萬幾遠有旬服
近有畿風夜明哲發裳衣

江貫道江山平遠圖

江參去世二百年翰墨零落多無傳人間幾人寫山水誰能
意在揮毫前跡見石林舊家物春雷壘障初破墨我知筆詩
頗豪放三者相望都突兀險危易好平遠難如此千里數尺
間高雲舒卷非散地麗日照耀皆名山我持美酒一斗量
汁盈盤可濡首江生精神作此山向山生當至否高秋望
漢天無雲帷中冷然來夜分黃茅嶺頭華蓋頂畫我觸訪丹

丘君

爲汪華玉題所藏長江萬壑圖

雲泉幽人愛江渚抽思揮毫寫橫素波瀾不驚潦水盡秋氣
晶明絕烟霧征帆去掉不相襲岸曲洲旋總堪賦孤村城市
僅如蟻百丈牽江直如縷蕭蕭木葉洞庭波歷歷晴川漢陽
樹蒹葭宿鴈天欲霜叢葦寒鴉日暮暮就中樓觀何王宮想
見華年貯歌舞丹青倒景駭靈恠粉黛含情怨幽阻青春遊
子澹忘歸白日冷黑帳中語人間遺迹何足留取惜精思墮
塵土郭熙平遠無散地小米蒼茫托天趣銛鋒鉞戟不破墨
刻畫晶瑩昔誰志渤海細書藝文章精絕戈波絕回互南唐
後主禹鴉圖點點晨光動毛羽昔年曾見今日昏雖復逢之
亦難睹汪侯此卷出故家相示摩挲極愁三香奩尾軸見者
稀謾錄餘情示來者

盤車圖

大車麟麟牛駕輓西望太行雲千尺往時飛挽實長安百兩
仰闕過阡陌亂流十里九屈曲水濺車箱沙沒轂前和後應
日云暮王事有程車下宿折旋史史昔臨洛東南會期出方
嶽侯伯有位賦有差載轡瞻迎來若若君不見海艘百萬乘
天風京坻連雲多腐紅天子視朝大明宮千乘萬騎來何雄
贈羽士費無隱

東望雲林二十六聞有仙人結茅屋清露寥寥紫芝白雪
深深斷黃獨國初山下苦流離義士傾家救世危百年孫子
俱華髮誰解燈前說舊時聖恩深重絕征戰猶慮寒溫寶暎
眩身著黃冠寫古方薄素細書二十卷相從寂寞久者誰禹
冗山頭一布衣鬢如鴉羽顏如雪跳入壺中夜不歸市人扣
門呼不應光影俱消聲已滅但言解隱不言無不道本無何

所隱我欲作丹須水金人間無藥不靈藥青霞如練走相覓
華蓋衝天丈室深

題漁村圖

黃葉江南何處村漁翁三兩坐楓根
具炊雙瓦盆霜前漁官未竭澤蟹中抱黃鯉
當晨粲更擷寒蔬共佳席垂竿何人無意來晚風落葉何處
被留侯迫之起莫將名姓落人間隨此橫圖卷秋水

題韓幹畫馬

韓生觀馬十二閑時寫一二傳人間坡翁嘗來伯時宅見此
遺迹開衰顏前行如雲塵不動後者追風絕飛蹀昔人能事
已可能始覺賞識非虛諷昔觀秘府韓絕少得見龍眠已驚
倒使人讀詩如見畫人中豈復生坡老五雲之中天上奇代

座名駒天子騎神明尚令後古見莫歎韓生非畫師

題黃都事仲綱山居溪閣圖二首

出山作官十載餘聊托筆墨懷幽居連雲一一列眉黛細雨
往往逢樵漁隣家父老每載酒隔屋弟兄皆讀書我久居山
不待畫獨念稚子扶犁鉏

閣前流水秋愈深故人東來遠見華方舟直過彭蠡澤把釣
坐對香爐火雲中烟樹差可辨江上鄉關誰與吟我欲芳蘭
寄遠者日暮天際多輕陰

題秦號二夫人承召遊華清宮圖

貴人並輕如輕鴻承恩馳入華清宮道途先不止行客策蹇
奔趨烏帽風奚囊墮地何足拾豈有篇章浪相及畫史當時
妙墨傳光彩流動狂情急君不見白頭拾遺徒步歸明眸皓
齒事皆非朝天泥滑袖封事高閣雨餘宮漏稀

方壺畫山水歌

方壺之山在海中世人欲見知無從壺中仙人閱昏濁絲筆
手開三五峰亭亭兩箇老松樹萬壑千崖閱今古憶昔長從
王子喬坐聽秋風最高處世人畫山非不多不識真山奈若
何君看昆侖上丹穴芝泉玉樹森婆娑東望方壺應不遠飛
度九州如過電便從海上問金公莫待浮杯水清淺

示罔

憶我蚤歲離親側足自踈踈心惻惻中年祿廩不及養人羨
清華已驚惕歸來老病五年餘閔子謀食躬犁鋤蓬蒿羅生
果甌異蛛網微細仍縈紆星河江上喜非遠况與良朋適我
願故人念我一相見暑中尚慎施樓轉

律詩五言

玉隆宮所藏宋乾道宸翰雲壑二字

昔者雲歸壑天章自九重日華常映鳳山氣盡成龍俯仰遺
陳迹高深儼德容飄然化春雨結想在高松

寄忽承旨

投若清江外依山結數椽扶藜循水竹把筆賦雲烟歲熟無
憂食秋清不礙眠故人相望遠北極在天邊

寄三衢守馬九臯

聞道三衢守年豐郡事稀詩成花覆帽酒列錦成圍鶴髮明
春雪貂裘對夕暉扁舟應載客閒聽洞簫歸

題朱澤民山水

積雪山陰道嵯峨筆底生雲門見童子禹穴闕蛟精高卧人
何在幽情幾詠成杜陵空想象晚飯柵樓晴

寄題江道士草亭

飛白妙娉婷新題照草亭仙遺相鶴法空借換我爲無絲霧雨歸

懸黍風雲護伏令遙知春晝永深坐養黃庭

黃敬延送竹柰

分得瀟湘玉森森忽浦林香爐來曉色石盤借清陰好共芝
蘭長毋令草蔓侵清風目如畫老朽要長吟

聞鴈

樓近煖雲濕夜深歸鴈低聲音燈外盡羽翻月邊迷舟舟白
榆上悠悠黃竹西應逢穆王駿春草一長嘶

錢舜舉畫

一樹花如雲清明客未歸坐看黃鳥垂夢作綵雲飛翠袖寒
猶薄羊車過絕稀相如能作賦月下卷春衣

山水圖

泛舟桑落浦望見香爐峯野水常歌樹山雲不礙鐘桃源携
客覓松徑與僧逢爲託荆關畫漆字九節節

丹霞觀黃知微留別

寓館隔溪津，過從厭市塵。振衣清露曉，拄笏野亭春。歸作芝田主，心存黍谷神。松華頻寄取，老子欲輕身。

題馬竹所畫

老樹依江岸，歸舟傍釣竿。水花看晚淨，風葉識天寒。鴈字來千里，魚羹付一餐。遠山青何隱，日下是長安。

題曹霸馬

將軍今爲庶，畫馬寄高情。聚立天風起，長嘶沙草生。飛揚萬里意，凌亂五星精。日暮太行道，悲哉長短行。

答陳溪山元日即事

積雪埃塵淨，光風宇宙新。閒來知惜日，老去善酬春。退密觀群動，憑虛集百神。真人起居法，無一是違仁。

送客北門晨登山木閣

晨登山木閣，零雨煖於春。溪水解留客，梅花偏照人。林香知酒熟，市遠覺民淳。此地堪娛老，惟愁度水頻。

次韻陳溪山

移棹避殘暑，開樽就夕陰。冥鴻聊自達，幽草若爲吟。離索連三月，棲遲共寸心。遙怜溪上晚，扶策獨臨深。

又

乘興忽忘遠，相思知幾何。未便塵事少，謾悔世緣多。朝食烹芝菌，秋衣製芰荷。平生但隨運，何地不蹉跎。

杏園詩爲黃思順賦

善藥多陰德，名花種滿園。暄風吹雲盡，暑雨綴金繁。卧護頰仙虎，分嘗任野猿。佳兒足文學，食實似桃源。

道園學古錄卷之二十八

道園學古錄卷之二十九

歸田集二

芝亭永言

雍虞集伯生

七言律詩

與燮元溥登仙遊和季浩卿韻

老去江山已倦游况聞風雨滿溪頭
儼尋黃鸝望松壑聊伴白鷗經稻疇
山崦有雲堪作供酒樽無婦可歸謀
從教賓客回車晚留取衰翁專一立

陳可復為予寫戴笠圖賦詩四首

浮雲滿空無所依高岡獨行來者稀
仙人冉冉遺松老鳴鹿呦呦生草肥
伐木遠聞何處谷頃筐近得故時薇
山中雨來霧先合此日先生戴笠歸
南園多竹暑氣微始來結屋相因依
掛巾石壁畫霧濕沐髮

池水朝陽晡頓年車馬踐霜雪六月裳衣無絲鄰翁問舊
坐來久此日先生戴笠歸

老去懸車百慮灰西風獨愛菊花開田家酒熟邀皆去茅屋
詩成懶更裁欲及天清冷沆瀣要觀日出上蓬萊赤松有約
應相待此日先生戴笠來

捨却鄉人駟馬車老身全不要人扶雲霄一羽山頭杜風雨
孤村海上蘇薄命長鏡隨積雪多情破帽落輕鳥莫圍玉帶
垂未絃此是先生戴笠圖

仙游道士余岫雲爲從珠溪余隱士求得華山下

黃茅岡一曲規作丹室喜而賦之不覺五首

華山東下有茅岡云是毛公舊隱場清露尚餘丹滿白雲
今許草爲堂冬馮野燒開舍隴春託山雷淨石牀從此便爲
千載計洞天先拜紫玄章

茅岡地主古醇儒乞我岡頭作隱居嶺上閒雲從管領湖中
流水聽開除刀耕火種從茲始兩笠風瓢便有餘自古詩人
多會合浮丘毛氏不愁予

石人屹立古仙壇雙澗交流拱一盤臨水種松須箇箇就中
作室要寬安洞經即日脩真訣玉臼逢春浴舊丹却恐山中
添故事題詩莫與出傳看

仙游辦得茅千束華蓋須分屋數間微咏玉經忘我老謾調
金鼎勝於閒龍雷變化從舒卷鶴露清寒自往還何似綺園
諸老者採芝初不離南山

茅岡初割一溪雲玄契華陽舊隱文謁簡自題香案更封章
先報大茅君種成和露桃千樹借與摩霄鶴數群便是宸清
真洞府不煩夢想託紛紜

崇仁監邑阿里仁甫茉莉花盆中折竹插之而生

枝葉近年翰林學士陸公謙齋作御史時亦有此
瑞朝之士大夫引寇萊公故事以為徵名其堂曰
瑞竹而咏歌之陸公仕東南歷郡守部使者至所
有仁政著清節美名著壽全為中朝老臣瑞蓋不
虛發也仁甫長邑三年清介明恕字于上下此竹
之生父老庶士爭走山中相告因取而觀之略寫
其狀賦詩以美之

華益補竹忽生根枝葉青之向曉嫩真節有生資地力虛心
無愧荷天恩陸公堂上今重見萊國祠前孰更論但得清風
千古在常扶節杖看淇園

撫郡天寧明極覺講主陪敬齋監郡奉祠華蓋特
有高咏二讀故嘆僕偶共清游輒復次韻表退不
工聊資咲聚

三峰台殿接新橋十月長齋陟翠堯朝步仍垂蒼玉珮歎歌
還引紫瓊簫半枝絳蠟連宵貫其五巴香雲向日飄賴有高人
陪後乘輕清詩句似參寥

鄧公信吾契家賢弟比奉憲臺書幣存問衰朽于
山中其還也無以為賦賦此與之

幙府秋高寄遠情飛鴻肅肅度江城深慚衰朽勞人問豈有
文章與世驚疏傳多年餘賜盜揚雄已老太玄成憑君歸致
殷勤謝擊壤田間荷聖明
故人將命清巖地越陌經阡在見存松菊荒蕪漸重客裳衣
顛倒出柴門老忘舊事尋書卷喜走鄰家覓酒尊此邑故家
無幾在更令德及諸孫

安成劉宗章漢章兄弟兩秀才來訪二長書一長
詩皆有志文學賦此為別

步獲東行好弟兄東書街袖見才英只愁困學孤來問豈有
音聞外素誠知道言辭無詭妄及人事業匪縱橫名鄉自昔
多君子珍重歸來在矯輕

壽陳溪山生日

西來羈客作南居來往風流舊下疎好句每容鄰曲寫高情
不解世間書溫溫中夜還丹鼎冉冉高仙果道車千歲相期
真有約九天風露壽尊餘

秋日同朋游北塔山

縣西北塔極蕭疎投老能來幾度餘山木也隨樵斧盡屋塵
猶護醉翁書遠懷天上多騎鶴近愛槎頭可釣魚九月懸厓
多細菊可能無意再巾車

縣道蕭條北客疎西人居者亦無餘春尋道士松花語秋覓
山人柿葉書太史關文誰借馬相君退食尚烹魚何因得似

先天史洛下人家摠駐車

歸田多病故人疎好客相逢樂有餘老去深盃那解飲詩成
大字尚能書門生去上青驄馬道士歸騎赤鯉魚如此餘生
多繁事誰能七十始懸車

送尼山廟學彭山長

尼山新作素王庭春告成功用上祖來有松筠采斲靈光
何殿效丹青風霆形氣皆垂教金石文章具刻銘天子萬年
綬福祿曾孫奉若薦明馨

游浴湖田舍

近郭林泉無可游行尋田舍逐微流春眠稍可遠鍾鼓秋熟
或能求豆區萬里橋邊祠廟古百花洲畔釣船幽兒童不解
憶鄉里老夢時時還故州

題范德機詩集後

抱膝長吟老范兄，寒岩古柏兩同清。東都高節鴻毛遠，南海真仙鶴骨成。遺藁飄零存梗槩，孤兒瘦弱賴高情。若無塵外知心友，千古誰聞出世名。

溪山翁所居與小雅易君相近，翁與予賦詩易君之季子至善，輒隨錄之，遂成巨帙，賦此以答其美，意云耳。

橫塘烟雨易東家，翠竹娟娟映白沙。綠筆徧題詩滿谷，繡簾長對樹交花。往來二老隨天分爛漫，二春感物華。却問綺園商嶺外，曾無高咏到烟霞。

題徐孟後屏山閣

題詩遠寄屏山閣，回首人間三十年。西嶠依然仙子館，東湖還載隱君船。同時翰墨嗟誰在，滿室詩書嘆獨賢。欲買一舟江海去，遠看喬木翠參天。

送易用昭

詩成長是倩人書，最愛東家織翠裾。遠樹斷雲春雨外，華星明月晚涼初。滿窓柿葉題都徧，短帽梅花畫不如。莫向墨池成久別，鸞羣還欲謝崇虛。

和陳溪山雪中雪晴二首

柴門積雪未全開，千樹瓊林豈異哉。鈴鼎微溫過半夜，玉經細咏却千災。江南冰向川流合，天際春隨斗柄回。太華高人觀物表，詩成先寄鶴飛來。

東風先散息寒威，病骨欣然解帶圍。日照瓦溝生淑氣，冰融硯沼漾晴暉。銀幡試戴花枝弱，玉鱸新嘗菜本肥。尊酒欲為君子壽，除公誰是兩忘機。

和陳溪山立春後二日即事

夢朝金闕見明晨，澗泱決壑問積塵。二日新春一日雪，一分

深雪一分春柳條封盡葉如粟梅萼飄殘實已仁欲破鳳團
銀盤凍冬温且酌井泉新

寄陳奉常

昔聞朝廷

寧廟升祔奉常陳君新甫以世胄之貴游博治之高誼
特奉明詔出使江海之上采上金明林擇良工絕藝
新作禮器樂器求在郡國之書與通樂律之士以備一
代之盛興焉鴻儒碩彥感嘆其委任之隆非尋常效一
職治一事之凡近而已故賦相錢奇辭瑰句傳乎四方
何其盛哉僕泊然老懷未忘舊俗亦成一章奉寄

新廟工師謹駁奉常承

詔出修門鑄金就徵揚州貢觀

樂應求季札論功德頌成諧鳳鳥文章篆定刻瑤琨千年製
作于今盛擊壤猶慚荷宿恩

集自郡城歸溪山翁寄詩并和申字韻垂教依韻

再呈殊愧遲拙

暮春長日雨兼風買得江船未及東出郭故人邀杜老輟耕
田以訝龐公謾從脩禊忘溪曲何用安車徧洛中旦起紫芝
行復長詠歸先與謝崆峒
待客花陰午過申茶香榆火一時新千竿嫩綠搖輕暑數萼
餘紅墜晚春坐憶雲林行道迹夢遊仙長意生身連根分種
如冰雪來向清池對玉真

謝陳溪山送蛾眉豆種

種豆南山憶故鄉蛾眉分種喜封囊底須飛鵠能嚙子未許
蹲鴟共淪湯玉椀茶香分瑟瑟瑛盤櫻顆間煌煌燃箕煮釜
催詩句更約鄰翁共佛床

己卯秋舟過清江憶范德機

歸來江上鬢如絲所謂伊人獨繫思半載清風東漢士百年
高興盛唐詩離離宿草秋雲斷采采黃花夕露滋山水含暉
無盡意他生何處共襟期

玉堂風日擅揮毫海上駢駘嘆一毛太傅竟無宣室召拾遺
空署華州曹孤兒衣食交遊古百世文章墓石高車過不留
應腹痛寒泉秋菊賦離騷

宜春臺晚眺

長沙王子舊層臺古佛神龍寶殿開秋水繞渠三峽漲春雲
垂雨大瀉來萬家香火網緼合四面峰巒紫翠堆最憶老藤
陰覆地空中幾見異僧迴

廬陵歐陽德器游京以所藏先世誥勅見原劾於

玉堂賦此以送之

充公族子不離鄉封誥于今幾世藏恩數重懷全盛日標題

猶是故時囊遠從史館求同姓未覺轎車滯一方昭代治平
多制作討論應及漢文章

送黃子勛

從師學道暫辭親百里西來動十旬夜讀松林堂下月書吟
梅萼坐中春每欣老筆蛟龍走亦愛幽居鹿豕馴春服蚤成
還再到水歌同向澗之濱

書武進縣學記後

縣令之職有社稷民人之寄不敢以百里為小也有政
焉有教焉不可以偏廢也陳君子瑛治武進脩學校馮
彥思記之可以知其所系之重矣崇仁之士觀乎其記
蓋亦有所感而不及為者豈非天乎因邑士之意賦詩
以書其後云

從容文學聖門優綢緜吳人獨子遊百里絃歌誰濟濟千年

禮樂付悠悠。邑人此日傳新記。弟子遙知憶故侯。何事紫芝三秀地。空聞疎雨過新秋。

己卯臘八日雪為魏伯亮賦

官橋柳外雪飛綿。客舍樽前急管絃。僧粥曉分驚臘日。獵圍晨出憶殘年。白頭長與青山對。華屋誰為翠黛憐。唯有寒梅能老大。獨將清艷向江天。

漫空飛絮散輕絲。所異寒威欲折絃。縣令溫存僵卧叟。詞人解頰太平年。剪雲為葉煩相寄。種玉成田不受憐。丹鼎溫溫千歲熟。樂天事業在知天。

寄賀吳宗師七十壽旦

開府希年正樂康。聖恩錫宴在斯堂。歲周二十逢熙治。年接期頤披寵光。劔珮忽從仙苑集。簫韶還就洞庭張。簪花當日今誰是。試向雲籤閱舊章。

舊德高年荷聖恩。慢亭如宴武陵君。松喬能壽多深隱。園綺來朝已暫聞。千歲天邊觀鶴髮。五雲日下護龍文。山中七日陽初動。遙禮三台過夜分。

和陳溪山元日後雪

瓊妃剪水散春天。坐下先迎華嶽仙。飛步撚鳴蒼玉佩。閒居能檢白雲篇。朝元閣近星辰北。獻壽盃深雨露前。白髮舊時香案吏。幾迴七日是千年。

撫郡玄都觀羽士黃一初自京師還得文宗師吳公所為和詩二篇其一故翰林學士吳先生廿年前廬山中所賦其一則和天師所與詩其一則予在茅山羅山第一谷中送一初詩也臨行大宗師囑之云到臨川即以示予也忽復一歲一初又將北游却賦此一百六十八字記一初謝大宗師古道高誼也

和吳先生韻

世外神丹起積痼，塵坐見月明。過後生猶識，遺經草梁甫。
空成鼓缶歌，柱史通家今。昔少番君分祀子，孫多淒涼遠寄。
懷賢咏譜入朱絃，久未和。

和天師韻

白髮高居古道山，蓬來雲氣隱重環。尚方徧識前朝履，特進
仍先法後班。桃李成蹊春日滿，風雲繞坐晝陰閑。梅仙舊隱
玄都館，紫陌紅塵有客還。

自和韻

荒陂野色帶餘曛，隴上時逢植杖耘。靈囿鳳麟千載去，玉階
鶴鷺此時分。誦詩自託浮丘伯，垂問長勤大隱君。為報黃茅
岡曲舍，滄端盡日宿浮雲。

贈武夷道士羅鑑空兼憶范德機

學道應須住武夷，青山綠水不勝思。九天清露三生夢，千古
高情兩鬢絲。羽客鑑空猶有鑑，故人詩後更無詩。懸崖仙骨
堅如玉，明月長歌竟紫芝。

寄題采石新造觀瀾亭

雪嶺春融萬里來，浮雲天際兩眉開。魚龍夜水星前起，風雨
春潮足裏回。尊俎誰陪賢太守，文章莫媿惜英才。無邊李白
登臨意，更覓遺碑步紫苔。

其與胡伯友書問疏闊稍久因楚石藏主待謁翹仰高誼賦寄此詩

喬木千章萬壑秋，使君清興在危樓。星沉夜水神魚化，霜落
寒汀宿鴈留。紅袖烏絲酬楚客，畫屏銀燭看吳鉤。不知肯著
枯藤杖，采采芙蓉涉遠洲。

贈楚石藏主謁饒心道六有先生

不識南塘第幾橋。樓華屋上岩巖。古文獨許揚雄識。幽興
誰爲杜甫邀。伐木春聲生澗谷。涉江秋影蕩蘭苕。散花如雨
携雙履。解與高人話寂寥。

十月朔日同監邑大用暨僚屬游北塔山

敗壁殘書五十年。重來山色尚依然。田疇稍稔農民喜。官府
多閑令佐賢。黃菊不羞蓬鬢改。清尊一聽酒盃延。坐中有客
天邊去。金榜春風待鴈傳。

九月與薛玄卿外史會于黃氏溪園陪坐溪山先
生談玄觀古仙像

自昔簪纓盛邑東。新堂還見百年風。兩入白髮驚先老。一客
玄裳喜暫同。食飲具陳先世業。耘鋤全效野人功。談玄不及
紅塵事。盡日溪園樂意中。

會後將登華山按節岡玄卿先往候予至

石斛金釵感素秋。洞懸鍾乳入山幽。扶衰不是人間藥。聞使
聊爲物外遊。雲作衣裳塵不染。詩成珠玉世誰收。石人久立
黃茅月。歲歲能來爲客留。

予與玄卿相遇山下別後和朱德嘉韻奉寄重履
賡和再用韻奉謝

茅岡七疊七香車。誰賦新宮蔡少霞。千歲留蹤丹井曰。諸天
獻供菜羹瓜。石人兩立春衣濕。崖蜜蜂來畫樹譁。憑仗仙翁
頹一到。浮丘已遣鹿銜花。

和朱德嘉登華蓋山有賦韻寄薛玄卿和詩未成
登山已遇玄卿下山道中足成以寄

相期秋晚命柴車。同看華峰散綵霞。農父苦留杭似雲。山人
先許棗如瓜。蛟翻巨石痕猶在。鶴立危峰語不譁。邂逅不留
知有意。林臺菊有未開花。

縉山張君榮字仲華來永撫之崇仁歷兩政六年
心平氣順上下相安如一日雖有遠役重勞亦無
闕事甚可稱也予之間居相愛如故舊每懷舊從
東道往來縉山道中見其風土之勝民俗之美未
嘗不談道以為樂於其受代調官京師因記之以
詩而與之別明年進秩南來觀舊治父老兒童相
迎於東門之外又當歌此以為一咲之歡也
昔從時巡出縉山翠畦綠樹畫圖間驅車百折龍門險載筆
千峯虎帳閑麥粉勸嘗銀縷熟梁炊持獻玉漿還道傍父老
應常好為說鄉風一破顏
馬公同涉龍門道歎似山陰及武夷儘有千崖如菴石但無
一棹弄清漪知君又有鄉閩夢老我能無木石思抱甕甕青梁
供玉食饋漿道左野人誰

太平縣道喜年豐每出城南訪野翁粗有軒窓閒草木謾留
車馬駭高蓬心寬易醉母多酌事簡無私亦屢空好得公田
多稼地長年歌詠聖恩中

集家世以文學為業亂離顛沛憂患困苦無敢失
隊然學未成而出早涉筆為文應事而已人或以
為能自知其不足也歸田以來稍得安閑而目疾
相嬰學不加進於立德立言之事無有乎爾也是
以所作事過即罷不復記錄至元庚辰冬臨川李
伯宗黃仲律來訪山中拾殘藁於敝篋得粗可屬
讀者二百餘篇而錄之賦此以謝

冰生鐵硯不堪磨收錄殘編每過老病自知才思少應酬
長愧語言多天人理一非無學內外篇分豈自訛只恐玄經
終寂寞空煩弥月駐山阿

谷黃仲律學文之間

少學文章慮每周鄉人未免是吾羞讀書次第依先覺下筆
流行稍自由血氣既衰尤帖帖神明自至但休休聖賢端緒
無歧徑篤信躬行莫妄求

重題環翠亭為李浩卿作

亭深環翠燭光寒曾與詩人語夜闌秋色相高風蕭蕭露華
如洗月團團莫疑窈窕園歌舞自愛空閒接羽翰我憶舊書
陰德事百年應長萬琅玕詩人謂癡元傳觀志能也

谷馬竹所見示詩韻

苗節分土勝封留惟有松喬是匹儔帶笠不愁山雨濕倚筇
嘗聽澗泉流玉堂夜永空餘夢瓦甍春生欲自浮豈料朝雲
停翠竹能從幙府一來游
壯氣橫秋勢利輕讀書讀律摠留情爭看撤幙清風起歸拜

懸車白髮榮馬上詩成令我老尊前花發為君清鳳池緩步
春還近莫厭羹魚斫尾頰

送吳文明

山雨牕寒詠楚辭可人同有古人思冰梅的的開生面霜菊
英英保令姿詩似仙成隨世換學如春到只心知重來宜及
東風早華蓋茅岡長紫芝

冬至後陳溪山貺以佳句謹用韻奉答

一陽初動反隆寒父雨山居絕往還彩筆曉題傳密意綠樽
春泛換衰顏希夷睡足風雲外安樂吟餘水竹間共看往來
閒日月紛紛塵事不相關

雪夜有懷華蓋山王玉山

三峰千仞玉穹廬石骨金筋守靜孤渺渺微陽丹建地絲絲
深息火生符瓊林撐柱虛明兔銀海奔吞黑赤烏持酒相尋

行迹斷人間無鶴到蓬壺

盱江聶空山

老夫文章不滿車蕭條家學賴兒扶從師授業渠能達對客
揮毫我病蘇春雨解憐轅下犢朝陽愛及屋頭烏德會生何日
賢人聚膝上瑤環看畫圖

繞屋看山不命車天寒翠袖自携扶梅花照眼春常健竹葉
怡顏氣倍蘇復有新雛娛老鶴莫將舊事憶童烏畫堂圍煖
歌春雪蜀錦波瀾列海圖

寄和吳閑閑太宗師

釣天樂徹洞庭波野迥誰爲擊壤歌筆硯烟雲塵世隔鶯花
風雨客愁多傳書稚子空遺簡伐木樵夫久爛柯舊識浮丘
華蓋近相思何處看雲過

答吳宗師壽稀年詩韻

早接雲龍晚散萍二年交信祝脩齡八從天上承恩賞我向
山中讀道經老兔幸分千歲藥高鴻還借九秋翎蓬萊清淺
人應識拄杖過頭弁會星

老子長年藏室居舊聞星象動江湖尚方別賜三六八思維嶽
恒馳六轡駒龍馬河中先聖畫麒麟閣上列仙圖從游童冠
俱頭白幾度涼風咏舞雩

能歌能辨九爲章無恨才情屬楚襄巫峽草生春易晚渚宮
花發日何長玄經寫就池皆墨國語成來日少光把筆題詩
亦聊尔坐中何用怪韋郎

送撫郡經歷海朝宗調官

館閣論思拜命新風雲近接屬車塵受釐宣室多清夜奏賦
甘泉是暮春春雨過落花行處少日移高樹坐來頻知君此日
行吟思駟馬封章又避人

論撰西清近九天回頭二十五華年送人趨召迎新雨對客
停思倚暮烟染翰朝朝裁五色吟詩往往遇群賢故人若遇
揚開府莫說韋郎鬢颯然

寄趙知微廉使

曾賜玄州水玉丹南征六月海生寒宣威辨說誰爲陸列守
文章孰是韓溟渤不驚天蕩蕩烟塵如洗月團團故家文獻
應催召拭目雲霄一羽翰

題致爽樓

易君小雅雅士也自其先長沙知錄公老於是邑子孫
守儒業至于耆耆又以醫藥活人鄉邦稱世有善人者
也小雅與余年相近少相好也元統癸酉余自京師還
小雅觴余新樓之上望眺平遠山川邑屋烟雲竹樹歷
歷在目而易氏子孫或仕或處皆循循敏藝而敦本小

雅髮須郁然顏貌充悅諸子侍立若弟兄之相次也余
深嘆善焉小雅曰樓未有名也子爲我題之余以爲米
元章日取號善標置骨自名其軒曰致爽子之樓四面皆
可觀而西面獨遠請用拄笏意字之曰致爽仍請賦之
易公屋上有青山故架層樓擁髻鬢客至每雷風燕外詩成
多在雨簾間南階竹似兒孫長東老身同日月閑若道神仙
平地好便從南郭覓柴閑

東坡墨竹

扁舟憶上浣花溪風雨橫江萬竹低石室歸來秋似水峨眉
相對醉如泥春雷翻石蛟龍起夕照穿林鳥雀栖二老何年
重會面爲揮濃墨寫淒迷

白雲間上人度夏

白雲長傍太湖飛忽向西江度釣磯彭澤小龍邀共飯潮陽

迂安憶留衣笻因春雨朝朝喫橘待秋霜
顯顯肥我自本名無所住經函松下共柴扉

寄龍翔寺訢笑隱

贏得歸來休便休鶯花何處更追遊
閒雲過雨依檐宿好雨添泉繞舍流
世上文章將底用夢中塵業又何憂
隨身宮殿香雲裏還見千峯百海秋

寄魯學士

往歲樓船過太湖珠簾翠幙護圖書
泉南五馬傳燈後天上群龍進講餘
滿座賓朋尊有酒盈時杭稻食多魚
趣裝未覺曹叅晚應有賢人載後車

答甘允從寄海東白紵

海國練衣雪色明寄將千里見高情
著隨野鶴渾相稱行近沙鷗亦不驚
江露滿船歌醉起爐烟推袖憶詩成
秋風遊子

偏愁予誰采芙蓉共晚晴

次韻董子羽見寄

家徒壁立相如宅森列雲山作畫屏
前日遠煩天子使至今猶詫野夫亭
有來刻句題章草政尔齋居讀道經
積雪滿亭誰見問故人千里眼終青

昔年供奉勲清切簪筆春明近御屏
一日携書歸菊徑幾回對雪坐茅亭
女蘿薜荔如新葺華蓋夫容歷舊經
取憶先生天上土金主都應見草青青

次韻谷真鼎空山

薰我名香海上來講惟還憶舊親陪
微風高閣紆天步細雨深簾對露臺
滿袖當時携馥郁孤村此日爨蒿萊
高人雅意相期遠未覺匆匆白髮催

寄貞居張先生

司馬先生苦著書，久滄金液日清虛。星辰欲動合精劍，雲霧長隨畢道車。重憶仙翁千仞表，爲脩真籙百篇餘。白頭供奉黃金盡，靈爇何因到隱居。

孫宰金碧山水

昔代香山避暑宮，中天積翠立夫容。雲生金水三春柳，露滴銀床五粒松。飛瀑橋長通窈窕，斷堤人倦立從容。舊時行處今堪盡，烟雨樓臺晚更濃。

甲戌四月十七日，至臨川冲雲寺祝

聖壽齋罷爲賦此詩

郭西寺門雙石頭，水檻相對林塘幽。白花過雨落松暝，黃鳥隔溪鳴麥秋。衰朽虛蒙宣室問，淹遲實愛小山留。爲貪佛日同僧話，滿袖天香念舊游。

蜀人縮夢良效楊補之掀蓬圖

錦奔山下花如錦，却愛清江野水邊。放筆豈能無直幹，掀蓬方欲闢清妍。最怜半面歌歌扇，更笑輕身障舞筵。君看上林千樹雪，繁枝何處獨娟娟。

寄吳思可廉使

歲月將題傑閣成，寄來三筆荷高情。知公比任中丞重，念我文慚吏部名。王勃當年神所助，江淹老去夢還驚。尚懷曩日茅檐下，解寫農諶詠治平。

寄南安無信臣摠管

昔同禁苑又經筵，一別于今四五年。太守政成梅嶺北，老夫吟徹野雲邊。愁來每看新題字，夢裏猶懷舊奏篇。願欲仙茅扶病骨，想能函致到臨川。

游仙遊山賦詩

仙游亭子北門東，雲樹烟霞野徑通。秋淨華峰千仞表，春濃

仙縣百花中昔人黃鶴何年去九日清尊此意同醉插菊花
歸路晚莫令狂客惱衰翁

方壺作仙遊山圖

身在山中底用圖偶然點染出方壺數株古樹雲連屋一箇
橫橋水滿湖門外從教車馬過錯中不計稻梁儲等閑直過
尋師者指與雲間一翠染

含錢翼之

吳郡名書室有唐流傳風致到錢郎開門三月梨花雨編寫
千林柿葉霜客看舊題驚歲月僧將新句度江鄉莫愁茅舍
淹留又秋菊春蘭各自芳

次韻聶空山送杏

看徧生紅雨滿林筠籠遠致百丸金遙知過熟心先喜猶恐
微酸齒不禁洗瓊便應催泛蟻封囊何必共來禽唯當種核

成嘉樹花遶春壇坐鼓琴

和陳溪山春雪見貽

弥天春雪積塵空花信今為第幾風一色瓊林無別間九年
金粟有餘豐愁吟野徑雲俱黑睡起東牕日已紅幸日與公
同此樂莫辭微醉注黃中

予少年過劔門酒樓賦此題曰連十八書郡人疑
其為呂洞賓詩此謾記于此

耳目聰明一丈夫飛行八極隘寰區劔吹白雪妖邪滅袖拂
春風槁朽蘇氣似酒酣雙國士情如花擁萬天姝如今一去
無消息只有中天月影孤

即事四月十六日

卧病立園忽五年千官此日正朝天縣公稱壽邀相共野老
扶藜拜不前帶拭文犀看舊賜髮垂明鶴愧初筵莫言小邑

天光遠朝蓋靈芝之五色鮮

日疾禍成二首

一任榴花五月開看如烟霧亦悠哉靜聽靈響空中發坐受
天香出外來樂府好邀張籍賦策書官共左右裁大清絕點
誰能畫一瞬青蓮月滿臺

木綿鶴袖小烏巾百事無聞自在身舊是玉皇香案吏今為
華蓋洞天賓看花謾笑如烟霧落筆那能泣鬼神聞有紫芝
新可食園公有約願為隣

柯敬仲畫古木疎篁

不見丹丘四五年幽篁古木更蒼然兼霞霜露風連海翡翠
蘭若月在川憶昔畫圖天上作每題詩句世間傳前村深雪
誰高卧亦有晴虹貫夜船

畲野江石門江秀才

石門山在野江上聞似金山及落星浮石不隨春漲沒道林
常見晚雲停鳥飛空界誰能賦龍負經函我所銘此地卜隣
多逸興重來為寫向幽亭

夢吳成季真人見訪夢中作

竹外旌旗駐馬鞍兒童驚喜識衣冠青山春日何須買高閣
浮雲只共看野藪不堪供七節新詩聊可助盤桓當年赤壁
扁舟夢幾度人間玉宇寒

嘉平幾望陳谿山自山齋還邑月下獨步有賦

野迥霜明月轉高寒花踈影立亭泉池水下月蒼鱗鬣雲海
東迴雪羽毛客去夜深猶倚杖詩成春近更揮毫茅簷數尺
當晴昊無限清歡一緼袍

莫愁寒日經蒼短壘牖西南煖有餘頗有襟期俱老大略無
塵滓涉清虛飢來進火烹仙木定起和丹較道書憑仗白雲

封谷口免教人跡近幽居

題馬竹所照磨捕魚圖

霜寒水淨已無魚漁者縱橫用不踈
美食盡供晨市遠炊烟
猶待晚歸餘已知漠漠凌波異
豈盡洋洋鄭沼如萬里江湖
春雨關海鷗不去小舟虛

李伯宗錄詩

老去逢春祇謾吟敢煩綵筆為追尋
玉堂天上成塵夢茅舍
山中稱野心萬里雲霄歸鳥盡孤村
風雨落花深文章傳世
知何用空使高情慨古今

壽陳溪山生日

風動蕭蕭白髮疎高齋長日共清虛
輕雷過雨神功外瑞露
垂雲壽瀝餘黎杖每期天外友松肪
更試枕中書九秋華蓋
通天極千載相隨兩鹿車

鶴

予家有薛少保鶴一軸先尚書自蜀携至此
是以為珍玩先參政晚歲失之不知何在
當時極惋嘆今二十餘年集妻姪浚儀趙德莊從
好事者重購得之欲集識其故而藏諸篋笥
為賦此

吾家舊物薛公鶴老氣崢嶸歷九臬
鐵石閣身脩足脛雪霜依骨淺翎毛通
泉久失千年壁杜甫空吟一
世豪老去思鄉歸未得時時借看倚
秋高

二月雪與陳齊賢

江南二月長聽雨誰見翩翩雪滿舟
病眼直驚翻玉樹吟身
渾欲覓貂裘衝寒載酒吟佳客把筆題詩
想舊遊得意長安各騎馬山堂還憶醉翁不

閩憲克莊以故舊託文公五世孫明仲遠徵鄙
文老遺遺

逸荷伯宗用昭止善浩淵子昂至善及余表姪孫
陳誼予兄子豐仲弟之婿賈應用昭之從子大年
等十餘人寒冬連旬日夜錄之得五十卷亦已勞
矣賦此爲謝

老去斯文付寂寥寒枝枯甲一遺蠅虛言有歎真何補好友
相求不憚送敗篋塵埃煩數子破窻燈火每連宵書成明日
尋梅去共看春風轉斗杓

送朱明仲歸建安并簡貳憲幹克莊

道南遺緒實天存徑寸神膠萬里漣路遠祇憑霜履穩歲寒
更覺緼袍溫山川文物今誰在師友淵源尚可論弱翰不堪
酬使者遠來深愧考亭孫

送王八公輔遠遊

君子之所居雖歲月易遠而餘風流韻不自知其及人

火

海內珊瑚枝撐碧月孤鮫人拾翠羽泣露得明珠
參差不可吹絃佩寄遠道遂令如石心歲晚永相好
抱玉下天河繞叢秋露多天寒翠袖薄日暮欲如何
翠袂倚岩堯來尋碧玉簫拂衣成歷劫遺迹映寒潮

題黃與可所藏錢舜舉瓜圖

秋蔓有遺實不食腐何傷東陵爲圃地何曾蔓雪霜

道園學古錄卷之二十一

歸田彙四

○芝亭永言

雍虞集伯生

七言絕句

雪後偶成

千山積雪日華明
甕牖前頭畫不成
未有樓臺供遠眺
負暄過午聽簷聲

曉來殘雪在陂陀
遠似羊群或似鴛
憶踏春泥看柳色
駝裘貂帽度冰河

自贊題白雲水陳可復所寫像

歸來江上一身輕
野服初成拄杖行
祇好白雲相伴住
天台廬阜聽松聲

築室

溪頭築室苦不多，無奈今年春雨何。水暖白鷗渾不去，泥深田父少相過。

客有好仙者，持唐人小遊仙詩求予書之。惡其淫鄙，別為賦五首。

東海轉上白玉盤，滿天風露桂花寒。方平欲來共今夕，微聞洞簫過石壇。

偶過松間看奕棋，松枯鶴老忘歸時。山前酒熟不中喫，自有金盤行五芝。

閨闔昨鳩在河洲，錦幃春溫吁可愁。六合清凝海天碧，木公金母坐優游。

衣垂烟霧冠晨暉，雪色鬢毛風外稀。何事酒壚眠不去，塵中醉裏或忘機。

老婦扶兒休笑儂，不肯學仙蚤已翁。東家木公合辟谷，但汝

護田祈歲曲

子昂竹

憶昔吳興寫竹枝，滿堂賓客動秋思。諸公老去風流盡，相對奈烟颯鬢絲。

子昂蘭石

汀草離離石老蒼，行吟何處樂清狂。江中遺佩相思久，莫待明年春蕨長。

夢蟾圖

炯炯孤蟾兩目寒，波羅臺上濯神丹。冰容映日初無質，故許空山石夢覺看。

唐五王出遊圖

華萼樓前御柳長，春風馳道曉塵香。龍姿鳳質多相似，黃髮為期樂未央。

八駿圖

瑤池積雪與天平西極空聞八駿名玉殿重來人世換蕭蕭
首猶漢宮城

射獵圖

羽獵長年從翠華合圍八月度龍沙蕭蕭徒御圖中見猶想
君庖賜滿車

日莫推車力已疲道逢猛虎快饑飢負隅何待要馮婦弱婦
嬰兒未可欺

題白玉蟾像

日出搏乘積雪高海空天淨絕纖毫每看劍氣衝銀漢知是
吹笙詠碧桃

題大別山柏圖

憑陵霜雪鼓風雷此樹相傳手所栽想見樓頭黃鶴客千年

一度此山來

在卷字 高趙乘霖送地黃膏

身如老馬視茫茫多謝銀罍致地黃昨日飲餘肌骨煖解持
書卷近晨光

酌張用鼎

老馬尚書賓客感淮南淮北誦君詩玉堂自是歸來晚不及
觀君落筆時

題閔尹問道圖

身隱何為更註書區區閔尹強留車周公制作成殘缺嘆息
何人問緒餘

中秋前偶賦

一室蕭然絕蔽虧桂香初發自先知已無熱惱仍無夢坐到
空林月落時

空林月落大如盤，雞犬無聲曉氣寒。
童子擬謀朝一食，玉盃盛得露漙漙。

一杯濃露滑如飴，灌溉清涼可療飢。
畢力石田嗟已晚，空山何處采靈芝。

采芝不覺過前山，偶卷樵歌莫却還。
人影自行殘照外，雨雲先入翠微間。

次韻荅魯子暈參政四首

山水娛人若妙顏，幾年搖落鏡中鬢。
高情誰與為膏沐，舒卷春雲指掌間。

海風吹雨散晨曦，紉扇高堂兩鬢絲。
想見東南賓客盛，臨江醒酒看潮時。

病鶴前年下玉京，空巢聊寄一毛輕。
白雲千載悠悠外，自照寒溪野水清。

方嶽羅賢祝罔開，選掄更欲籍非才。
故人情厚慚衰朽，千里空煩重使來。

題赤城站壁

莫恠扁舟不早歸，斜風細雨濕蓑衣。
天心月滿江心定，贏得閒身坐釣磯。

又和赤城壁韻

飛鴻力盡始能歸，敢向漁樵詫芟衣。
多謝相如遠相問，華星明月照寒磯。

秋夜有作

月明清露浸山河，八極無塵水絕波。
形質不應猶有礙，鼻端惟恨桂香多。

玉龍圖

貝闕澄澄海月生，水日明廉影接空明。
蛟蜃剪得霓裳就，却擁

冰鬢上太清

郭熙書不

江南喬木已無多誰畫參天鉄石柯記得玉堂春晝永寒林坐對老東坡

浙西提舉陳衆仲以其省之命請考秋試其選也賦此贈之

道誼交情志竟完千山觸熱訪衰殘唯慙薄德成虛辱故誅高風小子看

百病消沉老病身石田茅屋度餘春故人遠訪閒相對共看流泉日日新

合禮文章体道心事天成物致精深老來更覺交游少珍重高賢副所欽

游楊羅李生閩士千古斯文一綫微最憶相逢共細繹開總

東海眇烟霏

千土公聲光日已高荒村那復重相遭畫屏瓏牖閒欹枕春雨秋雲見羽毛

贈閒白雲

白雲東去入經春每想飛鴻到水濱幾箇遮山松樹子憑君洒雨洗埃塵

無題

貝闕珠宮夜不眠露華浩浩月娟娟不應又作人間夢窈窕吹簫度碧烟

題亡弟嘉魚大夫與眉山奴詩

瞻望眉山草木春西還無計每傷神數家共客邑陵下只託詩書論古親

吾弟文章絕幻麗只餘詩句似西江十年夢斷遺書在風雨

梧桐自一窻

書蘭亭後

墨池春雨水泠泠，消得鸞群舞雪翎。千載臨文嗟禊祿，摩挲病目看蘭亭。

題黃敬申虎圖

當時五帳蜀雲西，坐嘯風生草木低。傳寫餘威千載外，望山顰蹙尚萋萋。

聞機杼

咿啞機杼隔林幽，夢覺江湖憶舊游。滿地月明涼似水，數聲柔橈過揚州。

賦玉簪花

玉簪花發憶京城，徧閱詩篇未識名。解道折花猶帶露，却愁香色已起凡情。

差

面植芝蘭背植蕙，高花冠玉擅中園。小冠不厭雙蓬鬢，賴有朋簪玉露繁。

翠葉長筵出露叢，素華高索倚微風。方田種得新秋玉，萬斛濃香屬老翁。

天宮會弁若星流，簪笔同朝八月秋。一色尚方新切玉，含香無語度中洲。

溪橋踏雪

萬竹孤亭積雪明，衝寒先到寄高楹。過橋不是尋常客，共聽空山裂帛聲。

奉答吳仲谷見寄兼簡許愿夫

城南謾作草堂新，過客全稀既有塵。城闕鶯花三三月，無因藜杖伴詩人。

華蓋山前已結菴，荒坡獨住策藤蔭。何如城北蕭閒叟，吟詠

高齋從適參
翠竹如雲百尺樓
川原錦繡出城頭
遙知吟詠羣賢老
清酒千壺薦膳羞

賦范德機詩後

玉堂妙筆交游盡
我老江南隔死生
最憶崖州相憶處
華星孤月海波清

題文丞相詩後

大廈明非一木支
區區未忍聽傾危
故人邂逅聊相問
矢死終天更不疑

次韻陳溪山春日即事

日出蒼龍霧露寒
郊原花柳揔驚醒
七言內外黃庭景
歷歷東風舊所經

河漢光微海出曠
蓬萊宮闕啓千門
晴虛無外來相覓
塵影

俱涓湛若存

蕉竹窓中舊席虛
白雲不任意何如
欲占正叔來消息
正值包羲未畫初

題呂洞賓見滕子京像

一杯湖水碧於天
飛劍來時月正圓
天下儘多憂樂事
翛然來往又千年

題魏受禪碑

華歆勸進鍾繇筆
妙畫千年不可磨
權有始皇金石刻
李斯文字更嵯峨

崇仁邑士吳景永
受禪齊安寓定惠
院書來報寺之海
棠東坡所為賦詩
者今二百五十餘
年校亭復盛住山
明月溪增葺坡翁
舊寓并錄所賦為
寄偶成三章答之
并呈幹公克莊邵
使者云

滿山桃李擅春風，簷俗何妨摠化工。賴得土人渾不愛，故容山寺對衰翁。

江城紅萼是鄉人，人去花飛海復塵。二百餘年遠一見，雨中月下爲誰春。

昔登棧閣俯春濤，紅萼青松翠壁高。應有故人知我在，鷓鴣春雨老江皋。

次韻東山鳳栖別墅四時詞

湖邊綠樹多年柳，島上紅雲二月花。惟有舊時雙燕子，經春仍在故人家。

雨餘飛蝶傷秋潤，江外踴鵝喜早涼。高殺園基歸別墅，東山莫是謝家莊。

秋聲柿葉書連屋，日暮黃花醉短籬。每歎觀文修舊史，不違初志見新詩。

寒陰灑灑白分嘉，玉園果青黃貢上。金受命素心如鐵石，不知冰雪歲年深。

臨川艾蕪英茂才求書北游京師荒山久病筆墨盡廢偶有近詩一首寫寄

國史侍講祭酒先生數千里外一笑契舊有同在者共一看之亦知衰朽托庇無恙也

鳥鳴不鳴山更幽，少學多聞今始休。常年空喫人間飯，聊爲田家事牧牛。

牛角掛書田裏歸，昔人行處不相違。白蘋如雪鷺飛起，耿耿銀河星宿稀。

和陳溪山韻

林園寥廓靜簾櫳，來往風雲盡日中。萬卷相娛嗟歲晚，一簞猶恐心負時豐。

幽幽直入南山路行到水窮猶有雲回首獨歸無一事道傍
還見丈人耘

題樓攻媿織圖

我國家既定中原以民久失業置十道勸農使摠於大
司農慎擇老成重厚之君子而命之皆親歷原野安輯
而教訓之今乘麻之效徧天下齊魯尤盛其後功成省
專使之任以歸憲司憲司置四僉事其二則勸農之所
分也至今耕桑之事憲猶上之大農天下守令皆以農
事繫銜矣前代郡縣所治大門東西壁皆畫耕織圖使
民得而觀之而今罕爲之者撫圖頌詩爲賦三章章四
句

鄉里蠶桑勿失時畫圖勸相又題詩當時補衣應無缺金玉
餘音到蠶絲

吳越蠶桑用日多始終吟咏極婆娑下一成繭館間琴瑟宜薦
房中備樂歌

昔者東南抒袖空詠歌蠶織到圖窮勸農十道先齊魯百世
興工表被功

送程以文兼東揭曼碩

樸學清忠荷主知每驚異論苦相危只緣自信非鄉愿俟命
從容絕妄思

玉堂北局是秋官健筆相遭白書寒莫恠討論成諍論御床
夜索草篇者

故人不肯宿山家半夜驅車踏月華寄語傍人休大笑詩成
端的向誰誇

西郊草堂圖爲從子崖作

故家東郭百花洲梅柳西郊總舊游賢子獨知懷土念結廬

爲擬草堂幽

早晚東吳買客船直歸萬里盡橋邊寄賞儘有詩人在忍向園中看數椽

草堂在處即西郊巴嶺還如雲嶺高但有好孫能力學不愁老杜不春邀

野梅官柳頗依依酒債尋常七十稀莫遣錦溪賢姪覺冰心愁安樂不思歸

至正改元辛巳寒食日示弟及諸子姪

疾風吹雨作春深抱膝西牕獨自吟百廿詩書千古事只憑孫子不虛心

江山信美非吾土飄泊樓遲近百年山空墓田同水曲不堪夢覺聽啼鵲

寄成都孝成姪

寒食風花高下飛錦官城外是耶非百年墳墓惟孤姪因酌寒泉薦薺薇

寄具門弟姪

尚書大墳在吳門老病西江更斷魂春雨滿山湖海去扁舟強飲引諸孫

寄子安民從子宣

兩兒逐祿廣東西解憶荒村叫竹雞北返衣冠先志在扁舟有日發端溪

癸酉歲晚留上方觀

投老歸來山縣小無端人事尚閑情雲房借宿最岑寂亦有鄰春月下聲

燈前自了讀殘經風入疎簾月入櫺坐到夜深誰是伴數枝梅萼一銅瓶

偶行幽徑豈尋春忽見叢蘭紫茁新幸自林深可終日莫將
香引路行人

山中積雪到簷端獨對篝燈坐夜闌不是梅花心似鐵如何
禁得許多寒

葵榴雙見

江南春事已蕭條只有葵榴絢日嬌水國不知炎暑近雙將
文羽戲清潮

題明皇按舞圖

寢安食飽對青雲按舞調笙不厭頻西內歸來還獨看梨園
弟子白頭新

題昭君出塞圖

天下爲家百不憂玉顏錦帳度春秋如何一段琵琶丹青草
離離詠未休

題陳氏遠塵樓

春風滿縣花開日夜月千山雪積時定有扁舟來好客倚闌
溪水度雲遲

偶成

野田閑水浸秋天隨意行吟到水邊樵牧各歸魚鳥散微風
吹面鬢蕭然

半畝秋陰近石床倚床自炷水沉香新涼透骨清如水幾箇
蒼蒼良共夜長

鶴骨新來怯曉寒東牕睡覺日三竿蒲團深坐香如縷塵几
殘經亦倦看

桂亭

夜色澄澄海氣深水光蕩漾入簾旌冰肌玉骨便清夢不爲
吹簫送月明

璧月珠星繞四周團團翠樹屋東頭黃金布地香為國此是
山中富貴秋

田舍

晨昏車馬亂雲烟花下追游亦偶然百舌無聲春亦去蕭蕭
田舍日高眠

題漢孝宣受貢圖

悠悠旌旆馬蕭蕭萬里歸來氣不驕黃屋東邊渭水上從官
誰是霍嫖姚

富饒八道四首

碧玉淒涼思入雲數峰江上見湘君夜深霜冷絃中折儘有
遺音世未聞
日下紫微還獨歸陰陰夏木掩柴扉空傳秀句寰區滿世外
高情更絕稀

巴水東流日夜深先生茅屋背城陰東風盡日吹香草金石
臺荒想獨尋

塞坐詩書日長歌陶公於此每婆娑匡廬雨過青如舊只為
長松不易柯

題約牖為譚無咎賦

約牖前頭一沼開天光倒影入蒼苔臨泉洗墨春雲濕恐有
神魚起蟄雷

檢束精神不外馳天光融徹入初曦飛塵不礙晴虛景意識
空從一管窺

意識休將一管窺斂藏深密靜無私始終慎獨成天德深信
開天自定義

酬酢紛繁君室虛老來漸覺就明虛羨君盛歲先知約絕利
尋源事廣居

別癸玄圃後重寄

郭西山路有寒梅想見臨行首重回夜聽雨聲知水長滿船
明月幾時開

聞癸玄圃除御史

好風天上送春來紫陌紅塵萬里開春兩春波舟一葉題詩
先到鳳皇臺

癸玄圃除御史後寄蕭性淵巡檢

望仙亭長最清閒日日吟詩竹樹間長官新歲多冠去誰與
空山相往還

題趙子固梅

楚王宮室賦離騷不及梅花不解嘲留與周南舊公子歲寒
聊寫兩三梢

古檜

根到深泉石作身踈踈香葉不知春海波不動天風遠千歲
寒蛟作老人

題夢良梅

詩翁白髮對青春看遍江邊玉雪新我是錦城城裏客開圖
更憶錦屏人

留易小雅樓從陳溪山同飲

花滿橫樓酒滿盃晴光偏送好春回東家縱有溪山興聽得
歌聲也合來

和陳溪山櫻桃

紫玉盤中絳雪繁相如多渴喜清寒明光分賜難重得却作
金丹火齊看

留題龍門寺

自入重山知者稀默然終日坐垂衣山猿還笑癡頑甚無見

無聞忘却歸

一榻東軒絕日非，浴波紅日上當飛。輕雷谷口作飛雨，知是老龍回翠微。

舊得鸚鵡短羽毛，筠籠三月未能高。携來聽法生公石，風竹雲松任所邀。

投閒雖久尚勞生，數日山居實稱情。香象渡河姑且置，端然聽得落花聲。

樂府

滿庭芳

微雨經霄，暖烟籠畫，相尋閑步堤沙。露桃風絮，香影傍烏紗。徙倚江樓最久，綺牕迥、翠擁雙丫。輕鷗外，水村山郭，帆過泊誰家。東華塵土，夢漢宮傳蠟，隋樹啼鴉。記當時、携手何處天涯。日暮清吟未足，聽街鼓、催發香車。山翁醉驚雷散，電中

夜未停搗

寄阿里仁甫

維舟南浦臨流，不渡踏破城南蔬圃。故人直是不相忘，把酒看沙頭鷗鷺。青雲得路，蘭臺烏府，早晚新承恩露。輕車切莫便乘風，先報與山翁知取。

法曲獻仙音

二疊為陳溪山壽。秋氣至，壽筭注天香。燕坐喜看扶兩几，擊鮮何必瀟湘。郎長歲接賓行。

盤石上新畫，太真羽扶老一枝。風滿袖，凌霄千歲露，垂松不與世間同。

千歲事何許，覓松喬急雨輕雷開道路。星河北斗轉，蒼龍相對話漁樵。

浣溪沙

江上秋風自夜生蕭蕭兩鬢蒼衣輕色蕉藜竹共幽情病
骨不禁湘簾冷夢魂猶似玉堂清畫簾疎雨過三更

銘

虛白齋銘為陳玉林作

於穆聖皇有嘉玉林白若積雪日華照臨六合無外既清既
廓氣容明新庶物咸作羽衣有儀燕見穆清迺取虛白肇錫
之名况景太虛接軌貞白先生之稱出豈多得天垂休光貫
于丘園贊我谷神守我幽玄冥升在上日月于邁頌懷下土
福祿攸介我瞻草木我行戶庭風雲徘徊雨露載零齋居孔
明夙夜敬止以新繁釐以報天子冲而不盈温而不溜上
帝臨歎永晶遐思

方床銘

後至元庚辰九月二日芝亭老人作方床于居室銘其

背曰

晝安以恭夕斂以息儼然若思順應無迹崆峒有人善脩其
身千二百歲不衰而神

几銘

方床前几因式致敬俯毋傲視仰毋傾聽必精必明必安必
定較曰耄至弗慎中正

先君硯銘

硯先君所常用之先君去世十有九年硯亡而復得之
銘其陰以示子孫

端而温謙弥尊思德容如生存

贊

子昂畫陶淵明像贊

田園歸來涼風吹衣窈窕崎嶇遐縱遠微帝鄉莫期乘化以

歸哲人之思千載不違

劉原父遺像贊

博學洽聞雅言通史經殘禮軼折衷補擬百煉懸鑒照物不遺未世寡陋肅瞻遐思

劉貢父遺像贊

兄弟並興博雅冠代著書滿家精覈之最守道自如不局曲迂精神所存天祿石渠

先公遺像贊

至正辛巳九月九日集理故書得先君郡公遺像於是棄諸孤廿有三年矣逮事者咸曰甚似再拜瞻對繼以泣血敢述前德以示子孫其辭曰

孝弟之誠仁義之學傳宗世家踐跡先覺歷患難而心常定厥貧約而氣愈充不與物忤而人自化不與時競而道彌崇

遺我子孫者實行之積沒世不忘者盛德之容恂恂與與知者實稱常與人俱孰同其歸

邵菴老人畫像自贊

世家岷峨之山生身衡嶽之舍詠聖神之遺言攀仙真之軼駕白雪晴空春風秀野雨雲露雷不可繪畫聊采靈芝以遺遠者

孝女贊有序

金谿縣因金谿場之名也唐時有銀鑛發其地作場以冶之曰金谿場寶曆乙巳銀絕而冶廢宋開寶初始置縣云冶廢時土不產銀久矣有司不敢失其貢迫諸民而取之有葛祐者官強之蒞治事銀既無所從出傾其家不足充數吏驅祐家取土石襍烹之卒無所得縛祐撈不勝其苦祐無子獨有二女且長不忍見其父皆自投冶中焚死監吏黃懷上其

事撫州刺史奏除之里人哀二女又感其去患害也神而祠之

皇元至元中郡守張國紀用獻利者言起金銀冶屬縣至今民病之獨金谿以二女事聞得不作大德庚子縣丞吳瑾作新祠于沙阜之地延祐戊午縣尹李有又新作之民間歲時祠之有詔祠在祀典者則縣長吏行事焉元統甲戌四月朔邑士危素請太史虞集贊之贊曰

寶藏之興豈為厲階叔世盡利民生罹乖榮榮二女哀其所天力不能拯投身毒煙身盡義著苛政亦熄民以永寧無愧血食

玄帝畫像贊

玄帝像吳興趙公子昂寫其夢中所見者而上清羽士方壺子之所臨也青城山樵者虞集沐贊之曰

吳興趙公前代公族神明氣清靜處貞獨乃夢天人被髮跣足玄衣寶劍坐臨厓谷再拜稽首仰視退伏念昔故事存思莊肅敢意接對光耀心目如聞教言知子誠篤爾善繪事追步顧陸凡吾真儀子善記錄審而傳之與世瞻瞻傍有介士玉板金錄曰帝告汝錫爾榮祿冉冉而升夢亦遂覺明月在戶香彩徧屋取火亟寫神運掌握豪分無失三十其幅丹青既成齋戒韞匱有當受授先事穆卜而其秘夢初不以告晚有相師泚其玄躡人始得傳錦標鈿軸方壺仙人潔以薰沐臨池擬容識以玄玉有得之者昭事毋瀆上帝臨女介爾景福

宰淵微先生畫象贊

湛乎澄之而愈清昭乎執之而有象我自和以天倪人乃見其神王納湖山於几席運風雷於指掌酌沆瀣以濯鼎御氣

機之來往此所以身潛九淵之深名應少微之上居與稚川
相均壽與廣成相長也

道園學古齋卷之二十一



